

Kete Tīmatanga: Wero 1

He wero mō te 6-8 ākonga

Whakaritea tētahi haerenga hākinakina kura ki tētahi wāhi i Aotearoa.

- Whakaritea tētahi haerenga hākinakina kura ki tētahi wāhi i Aotearoa mā tētahi rōpū ākonga tokoono me ētahi pakeke tokorua.
- Ka haere koe mō te toru pō me te whā rā.
- Ko tō pūtea ko te rahi o te moni kua ea i a koe i ngā kōwae.
- E āhei ana koe ki te whakakotahi i ō tāra SORTED hei whakatinana i te wero.
- Ka tāpaea e ia rōpū tā rātou mahere ki te akomanga e whakatauhia ai te mea pai katoa.

Tohutohu:

Me tiki atu te [Mahere Huihuinga](#) ka whakaoti mai ai hei whaiwhai ake i ngā utu me ngā nama.

Hei whakaaro ake i te mahere:

- ✦ Me mātua whakarite te haerenga ki Tāmaki-makaurau, ki Te Whanga-nui-a-Tara, ki Ōtautahi, ki Ōtepoti rānei, me whakauru hoki ngā utu rere. Me rere atu i te taunga rererangi tata katoa ki a koe ki tētahi o ngā taone matua nei, engari ka kawea atu koe i te kura ki te taunga rererangi i te haerenga atu me te hokinga mai, nō reira kāore he utu mō tērā.
- ✦ Me mātua whakarite te haerenga i roto i ngā wiki 16 e tū mai ana.
- ✦ Whakaurua atu tētahi mahi pārekareka i te taone matua e haere atu ana koe.
- ✦ Pānuihia te rārangi takitaki ka tohu ai i ia tūemi ina oti.
- ✦ Ina kitea, ina tātaihia te utu mō ia tūemi, tāpirihia ki te Mahere Huihuinga.
- ✦ Whakaritea te haerenga ki te iti o te utu ka taea kia toa ai ko te rōpū iti katoa ā rātou utu.
- ✦ Kia kaha te penapena moni i a koe e whakarite mahere ana.

Rārangi Takitaki

- Tirohia ngā utu rere atu i tō taunga rererangi tata katoa ki tētahi o ngā taone matua i Aotearoa. Hokona ētahi tīkiti e waru mō te haere atu me te hoki mai. Whakaarohia te tiri pēke hei penapena moni.
- Kimihia he wāhi noho mō te tokowaru i te taone kua kōwhiria hei toro. Āta tirohia ngā utu noho e iti ai te utu. Tokowaru kei te rōpū haere.
- Kai: Tatauhia te nui o ngā kai ka hiahiatia ka whakatau ai i ētahi kōwhiringa kai. Tohua he moni mō ia kai o ia rā mā ia tangata.
- Utu haere: Kimihia te utu mō te haere atu me te hoki mai i te papa hākinakina mō ngā rā e toru o te tauwhāinga. Mō te toenga atu o te wā ka haere mā runga waka tūmatanui, whakaurua ēnei utu.

Te whai hua - kia ora!

sorted
in Schools